

陸游年譜

于北山著

上海古籍出版社

于北山著

陸游年譜

(增訂本)

上海古籍出版社

責任編輯：王海根

陸游年譜

(增訂本)

于北山 著

(原中華上編版增訂重排)

上海古籍出版社出版

(上海瑞金二路 272 號)

中華書局上海發行所發行 昆山兵希印刷廠印刷

開本 850×1156 1/32 印張 21.125 插頁 10 字數 619,000

1985 年 11 月第 1 版 1985 年 11 月第 1 次印刷

印數：1—8,500

統一書號：11186-82 定價：4.45 元

## 再版自序

清代錢竹汀（大昕）著《陸放翁先生年譜》，趙甌北（翼）著《陸放翁年譜》，有裨後學，功不可泯。惟錢譜體例雖謹而規摹未宏；趙譜考訂偶施而事蹟多略。展卷取資，不無簡闕之憾。

山忘其淺陋，著手重爲，雪案螢窗，暑寒十易。繕成初稿，于一九六一年杪刊行。期對前賢述作，稍效補苴罅漏之勞；兼爲當代學人，略備酌取旁參之用。若夫昔人所謂「詞約而事備，論覈而理明」者，何敢妄擬，是則不得不望諸碩學通人也。

時光流逝，瞬已廿年。中更憂患，無意於斯；幸值休明，倦翼思奮。加以書社關切督催，友好熱情匡助，遂爾掇拾殘編，重加校理。閱時四載，勉告蕺功。疎謬尙存，敬俟明教。

其餘各事，有《編例》及《再版後記》在，茲不多贅云。

于北山

一九八一年農曆二月初九日，離別故鄉五十周年紀念。

## 編 例

- 一、本譜體例：首「時事」，次「譜文」，再次「注文」。
- 二、「時事」部分，略記宋、金和戰形勢，金人侵占區之義民反抗，南宋統治區之農民起義，重要臣僚之進退，論奏要點等，俾與譜主之時代背景、社會現實、詩文內容，互相參證。
- 三、「譜文」敍列，着重譜主之愛國思想、進步觀點、政治活動、文學見解、仕歷變遷、交游動態等方面。其它則視實際情況，酌加去取。
- 四、「譜文」按年月次序排列。其無年月可據者，則推定約在某一時期，並在按語中說明。
- 五、「注文」部分，所占比重最大，其中包括譜主詩文、仕歷和交遊有關資料。譜主詩文，極爲繁富，其具有愛國思想、進步意義以及在羣衆中有廣泛影響之作品，摘錄較多；復將一部分重要作品存目，標曰「參考篇目」（自五十二歲起，無則闕），用以提供綫索，便於翻檢。交遊人物，則盡可能錄存其有關資料；其《宋史》有傳者，介紹從簡。
- 六、「注文」部分，凡編者有說明、補充、辨正、交代、闡述之處，均以「按」字標出。
- 七、本譜所引資料，着重依據原書（所謂「第一手資料」），盡量做到認真謄錄，慎重核對，以供參攷或

轉引。

八、我國方志之書，卷帙浩繁，且常有改訂增修情況。因而同一州縣，每有數種刻本。本譜引用時，多注明其刊行年代，以明範圍。

九、對譜主一律稱「務觀」。《劍南詩稿》簡稱《詩稿》，《渭南文集》簡稱《文集》。

十、引用錢大昕《陸放翁先生年譜》，稱錢譜；趙翼《陸放翁年譜》，稱趙譜。

# 山陰陸氏世系簡表

受姓祖(元侯)通——(恭侯)發——皋——邕——賈——烈——盱——鴻——建——曄——璜——文——親——衆——賜——閔——桓——

續——褒——紆——駿——瑁——英——灌——翊——睿——徵——文盛——宣猛——潯——翔——琪——邦本——玄泰——文煥——

齊望——灞——徧——贊——簡禮——宗衍——章——誼——衍——

(七世祖)(六世祖)(五世祖)  
忻——郇——昭——

(始遷山陰)

贈光祿卿、太子太保。





## 說明

- 一、本表稱山陰陸氏世系簡表，以務觀所屬一支爲主；其它支脈，雖有文可據，一概從略。
- 二、本表自七世祖忻起，至子虞兄弟止，基本上根據文集諸文編列；忻以上，子虞兄弟以下，均係根據山陰陸氏族譜編列。潛及子約據族譜列入。淞、浚據族譜及嘉泰會稽志列入。
- 三、山陰陸氏族譜所載務觀後裔浩繁，本譜以體例故，列至務觀孫輩爲止。
- 四、山陰陸氏族譜謂五世祖名仁昭，此從文集卷三十九陸氏大墓表，仍作昭。
- 五、務觀文中曾謂：「宋興，歷三朝數十年，太傅（陸軫——編者）始以進士起家。」則軫先世數代無官爵可知。陸氏大墓表謂「光祿卿贈太子太保諱昭」，蓋誤書，「贈」字宜上移，應書：「贈光祿卿、太子太保。」
- 六、本表初版「潛——儼——贊」，後二人誤倒。茲據唐書·陸贄傳及山陰梅湖陸氏宗譜、世德堂陸氏宗譜改正，作「潛——儼——贊」。

# 目錄

再版自序	.....	一
編例	.....	二
山陰陸氏世系簡表	.....	四
年譜	.....	四
附錄	.....	五六八
一、《宋史》本傳	.....	五六九
二、評陸游的道家思想	.....	五六九
三、陸游詩淵源於呂本中說探微	.....	五七三
四、有關子虞、子坦、子聿的資料	.....	五八七
五、各家評論選輯	.....	五九六
六、唐圭璋先生來函(四通)	.....	六〇四
七、宛敏灝先生來函(一通)	.....	六二八

八、參考書(篇)目

..... 六七

再版後記

..... 六五

人名索引

..... 六一

# 陸游年譜

## 一一三五 宋徽宗(趙佶)宣和七年 乙巳 一歲

(時事) 本年，北宋王朝已面臨崩潰前夕，以金主完顏晟爲首之女真貴族聲勢日盛。三月，金建乾元殿。始議禮制度，正官名，定服色，與庠序，設選舉。八月，金降封遼主耶律延禧爲海濱王，遼亡。(遼宗室耶律達實率部西遷，稱帝于奇爾愛雅，改元延慶，號噶爾汗，羣臣上尊號曰天祐，是爲西遼。)完顏晟命有司揀閱善射勇健之士以備南侵。十月，完顏晟詔諸將南伐，部署已定而宋廷猶不知，遣使往來，泄泄如平時。十一月，宣撫童貫爲金兵聲勢所逼，自太原遁歸汴京。金兵陷湖州、代州，進圍太原。宋將郭藥師(本遼將降宋者)以燕山府叛降金，于是燕山府所屬州縣皆爲金有。趙佶憂惶不知所爲，傳位于太子趙桓，是爲欽宗。詔明年改元靖康。兵部侍郎李綱入見論事，大意謂疆土乃祖宗之地，子孫當以死守，不得以尺寸與人。并陳御敵固守之策。兵部侍等上書，請殺蔡京、梁師成、李彥、朱勳、王黼、童貫六賊，數其誤國之罪，傳首四方，以謝天下。太學生陳東

陸游，字務觀，別號放翁。越州山陰(今浙江紹興)人。(一)

陸氏先世本居吳郡。唐末，一支遷嘉興。又徙錢塘。吳越時，再徙山陰魯墟。(二)

祖父佃，字農師，王安石弟子。徽宗朝，官禮部侍郎、吏部尚書、尚書左丞。爲著名經學家，尤精于

《禮》。平生著述甚富。在政治態度上，雖名列元祐黨籍，但平生力爲安石辨誣；在學術思想上，篤守師說，不爲時論所搖。其苦學精神及堅定性格，在務觀頭腦中留有深刻印象。〔三〕

父宰，北宋末官轉運副使。南渡後，由于有愛國思想，所交游多屬主戰派人物，爲秦檜所嫉，在政治上受到壓抑，多領祠祿，處于投閒置散地位，未能有所展布。能詩，經學亦頗有根柢，諳朝章典故，喜藏書，平生志行，對務觀愛國思想之形成有一定影響。〔四〕

母唐氏，唐介女孫，晁冲之女甥。〔五〕

宰由壽春赴京師（開封），中途泊舟淮河岸。十月十七日平旦，大風雨，務觀生。〔六〕

務觀爲宰之第三子，雁行情況，猶可考見。〔七〕

本年，佃卒已二十三年，宰三十八歲。又：

梅堯臣卒已六十五年。唐介卒已五十六年。歐陽修卒已五十三年。曾鞏卒已四十二

年。王安石卒已三十九年。司馬光卒已三十九年。秦觀卒已二十五年。蘇軾卒已二

十四年。陳師道卒已二十四年。黃庭堅卒已二十年。晁補之卒已十五年。蘇轍卒

已十三年。張耒卒已十一年。

李綱四十三歲。曾幾四十二歲。陳與義三十六歲。辛次膺三十四歲。張浚二十九

歲。陳康伯二十九歲。鄭樵二十四歲。岳飛二十三歲。虞允文十六歲。王十朋

十四歲。王炎(公明)十三歲。韓元吉八歲。汪應辰八歲。程大昌三歲。洪邁三歲。

(二)

《宋史》卷三九五《陸游傳》：「陸游，字務觀，越州山陰人。……范成大帥蜀，游爲參議官，以文字交，不拘禮法。人譏其頽放，因自號放翁。」

《山陰陸氏族譜》：「游字務觀。小字延僧。號放翁。晚號龜堂老人。……于徽宗宣和七(原作十，顯誤，今改——編者)年乙巳十月十七日寅時生。」

葉紹翁《四朝聞見錄》卷乙：「陸游，字務觀，山陰人。……蓋母氏夢秦少游而生，公故以秦名爲字而字其名；或曰，公慕少游者也。」

《詩稿》卷六十六《題陳伯予主簿所藏秦少游象》：「晚生常恨不從公，忽拜英姿繪畫中。妄欲步趨端有意，我名公字正相同。」

〔按〕務觀名、字之義，葉紹翁乃妄說；務觀題秦少游像詩亦一時興到語。其實乃本于《列子·仲尼第四》：「務外游不知務內觀。外游者求備于物，內觀者取足于身。取足於身，游之至也；求備于物，游之不至也。」此雖細事，亦可覘其家世與道家思想之關係。宋王應麟《困學紀聞》卷二十《雜識》：「清查慎行《得樹樓雜鈔》卷六雖已言及，惟引文均有誤字(王書翁注已勘正)，茲不從。」觀「字讀去聲，務觀曾自言之，見《後村詩話》。」

〔按〕務觀別署可考者：九曲老樵、笠澤漁隱、漁隱子、漁隱、笠澤漁翁、笠澤老漁、龜堂病叟、龜堂老人、笠澤病叟、笠澤釣叟、笠澤老民、山陰老民。堂號可考者：心太平庵、龜堂、可齋、昨非軒、玉笈齋、漁隱堂、滙亭、風月軒、老學

庵、醉庵、書巢、烟艇、還嬰室。

(三) 陸氏譜牒謂陸氏「宗于舜，系于齊」。戰國時，齊宣王之子名通，字季遠，諡元侯，因封于平原陸鄉，始受陸姓。務觀則謂：「世譜推原自楚狂。」(自注：陸氏舊譜云，本出接輿後。)蓋世久年湮，已難考信。至漢，太中大夫陸賈子孫過

江，定居吳郡，自是歷三國、六朝至于隋、唐，名人輩出，務觀會謂：「陸氏自漢以來為天下名族，文武忠孝，史不絕書。」唐末，吳郡陸氏一支遷嘉興，又徙錢塘；吳越有國時，再徙山陰魯墟，是即務觀所屬一脈。曾自謂：「某吳人，凡吳之陸皆同譜，所謂四十九枝譜是也。」此脈在士族地位上曾一度趨于衰落，棄官業農者百餘年；「比唐亡，惡五代之亂，乃去不仕。」至宋真宗大中祥符間，陸軫始以進士起家，官吏部郎中，直昭文館。軫二子，長琪，萬載縣令；次珪，國子博士。珪生子佃，字農師，官至尚書左丞。佃子宰，字元鈞，官提舉，轉運，朝請大夫、直秘閣。宰生子游。

[按] 關於家世，可參看《文集》卷二十三《陳氏老傳》、卷三十二《右朝散大夫陸公墓志銘》、卷三十三《浙東安撫司參議陸公墓志銘》、卷三十四《陸郎中墓志銘》、卷三十五《奉直大夫陸公墓志銘》、卷三十九《陸氏大墓表》以及《家世舊聞》、《老學庵筆記》有關部分。并可參考《山陰陸氏族譜》(潘景鄭先生題記本，今藏上海圖書館，後引各條并同。)、《嘉泰會稽志》卷六《冢墓》及《陸氏歷代祖象》(油印本)敘分四十九枝部分。

(三) 《宋史》卷三四三《陸佃傳》：「陸佃，字農師，越州山陰人。居貧苦學，夜無燈，映月光讀書。躡屨從師，不遠千里。過金陵，受經于王安石……每有所議，神宗輒曰：『自王鄭以來，言禮未有如佃者。』……以修撰《神宗實錄》，徙禮部。數與史官范祖禹、黃庭堅爭辯，大要多是安石，為之隱晦。庭堅曰：『如公言，蓋佞史也。』佃曰：『盡用君意，豈非謗書乎！』……佃著書二百四十二卷，于《禮》家名數之說尤精，如《埤雅》、《禮象》、《春秋後傳》，皆傳于世。」

陸佃《陶山集》卷十五《傅府君墓志銘》：「淮之南，學士大夫宗安定先生(胡瑗——編者)之學；予獨疑焉。及得荆公

《淮南雜說》與其《洪範傳》，心獨謂然，于是願掃臨川先生之門。後予見公，亦驟見稱獎。語器言道，朝虛而往，暮實而歸。覺平日就師十年，不如從公之一日也。」

同上、卷三《丞相荆公挽歌詞》：「慣識無心有海鷗，行藏須向古人求。皋陶一死隨神禹，孟子平生學聖丘。雕簪想陪清廟食，玉杯應從裕陵游。遙瞻舊館知難報，絳帳橫經二十秋。」

同上、卷十二《答李賁書》：「嗟乎，道之不久矣！而臨川先生起于弊學之後，不向于末偽，不肯于本真，度之以道揆，持之以德操，而天下莫能罔，□□莫能移。故奇言異行無所遁逃，而聖人之道，復明于世。某亦幸當此會，而偶獲承教于先生之門。其所謂君子之道，體不欲迷一方，用不欲滯一體，嘗聞其一二矣。」

王明清《揮塵後錄》卷十一：「建中靖國初，陸農師執政。時天下奏案率不貸命，農師語時相云：『罪疑惟輕，所以讞上，一門引領以望其生；今一切從死，所傷多矣。』時相然其言，自是有末減者。」

《詩稿》卷一《和陳魯山十詩》：「大父昔在朝，騰上惟恐早。淡然清班中，灰寒而木槁。議論主中和，人才進耆老。至今下馬墳，不生刺人草。」

〔四〕《山陰陸氏族譜》：「宰字元鈞，號千巖，行四十一。（建中）靖國元年父恩補官。歷秘閣校理、起居注、兵部、庫部、祠部郎。知兗州、荊門軍、西路轉運使、國子監祭酒，拜吏部尚書、直秘閣、侍講學士。封會稽縣開國子，食邑五百戶。賜紫金魚袋。贈少師。娶唐質肅公孫，十三朝奉女，封魯國夫人。」

〔按〕《山陰陸氏族譜》對於先世官階爵銜，多有夸大處，與實際宦歷不同。此蓋封建士大夫夸尙門閥之通習，故不完全可靠；然記載真實可貴處亦自不少。要在慎重考覈，斟酌引用而已。

《文集》卷十五《傳給事外制集序》：「某未成童時，公過先少師，每獲出拜侍立，被公教誨。……公自政和訖紹興，開世



變多矣，白首一節，不少屈于權貴，不附時論以苟登用。每言虜，言畔臣，必憤然扼腕裂眦，有不與俱生之意。士大夫稍有退縮者，輒正色責之若仇。一時士氣，爲之振起。」

同上，卷三十一《跋傅給事帖》：「紹興初，某甫成童，親見當時士大夫，相與言及國事，或裂眦嚼齒，或流涕痛哭，人人自期以殺身翊戴王室，雖醜裔方張，視之蔑如也。卒能使虜消沮退縮，自遣行人請盟；會秦丞相檜用事，掠以爲功，變恢復爲和戎，非復諸公初意矣。志士仁人抱憤入地者，可勝數哉！」

〔按〕傅給事名崧卿，字子駿，山陰人。《宋史》無傳。《嘉泰會稽志》卷十五：「……崧卿自國家多事，常慷慨，欲以功名自見。與客言及國事，輒憤語，或至流涕。覽鏡見齒髮衰皓，嘆曰：『吾遂無以報國家而死乎！』在上前，論議尤感激。未及大用而卒，時人惜之。有《樵風溪堂集》六十卷，《奏議》十五卷，《西掖制誥》三卷。又作《夏小正傳》，最行于世。」務觀七十歲時賦《窮途》云：「每愧吾鄉老，頭童念致君。」自注：「先友傅公給事，暮年髮皓，每酒酣脫幘，輒鏡嘆曰：『吾其已乎！』」八十四歲時《跋傅給事竹友詩稿》云：「給事方南渡之初，忠義大節，爲一時櫛首，雖困于讒誣，用之不盡，然至今聞其風者，可立衰懦。」先輩愛時愛國形象，對務觀感染之深切，真可謂貫徹終生矣。

《文集》卷三十《跋周侍郎奏稿》：「……一時賢公卿與先君遊者，每言及高廟盜環之寇，乾陵斧柏之憂，未嘗不相與流涕哀慟。雖設食，率不下咽引去；先君歸，亦不復食也。——伏讀侍郎周公論事勝子，猶想見當時忠臣烈士憂憤感激之餘風。於虜！建炎、紹興間，國勢危蹙如此，而內平羣盜，外捍強虜，卒能披草莽、立社稷者，諸賢之力爲多。某故具載之，以勵士大夫。倘人人知所勉，則北平燕趙，西復關輔，實度內事也。」（並列尚有《跋周侍郎尋姊妹帖》，不錄。）

〔按〕務觀爲此文時已八十三歲，距其卒止二歲爾，尙景仰前賢，激勵當世如此，則此文實有關愛國思想之重要史